

明季史料零拾

明

季

史

料

零

拾

羅繼祖署

明季史料零拾目錄

賜都綱鎖南堅參敕

天順三年

賜巡按浙江監察御史敕

萬曆二十六年

兵部武選司給旗丁邱懋先號票

天啓四年

賜琉球國王世子尚豐敕

崇禎二年

東江總兵黃龍咨朝鮮國文

崇禎六年

禮部堂票

崇禎十五年至十七年

明季史料零拾

上虞羅福頤校錄

賜都綱鎖南堅叅敕

皇帝敕諭都綱鎖南堅叅

朕惟佛氏之教以清淨為本以慈悲為用上翊皇度下
導群迷凡其徒之能承其教者朝廷必褒顯之尔鎖南
堅叅夙修善道恪守毘尼今特陞尔前職給與印信尔
尚堅持戒律益勉進修丕闡宗風以廣慈化欽哉故諭
天順三年十一月三十日

賜巡按浙江監察御史敕

勅巡按浙江監察御史近因軍費繁興國計難支該部

要將各省直額派各項錢糧專委責成督催濟用今特
命尔不妨巡按事務查照後開條款逐一清查宜省者
省宜借者借中間開列未盡者不妨多方增湊載入考
成按季報部上半年不得過四月下半年不得過九月
勒限解京接濟軍餉有司官如有侵匿濫索及科歛害
民者聽尔指名奏治尔受茲兼任須殫竭心力稽覈周
詳務使錢糧盡完國用充裕斯為稱職如或因循玩愒
責有所歸尔其欽承之故勅

一各錢糧除本年見徵者務要通完外以前逋負者每
於見徵年分各帶徵二年通省完不及八分者布政
司官任俸通府完不及八分者府官任俸州縣完不

及九分者州縣官照例分別住俸降級完日方准開復不許縱容豪右滑胥重歛小民

一稅契銀兩每次重造通計各省直不下百餘萬向無解部多係有司徇情冒免嗣任意私用近經該部題准通行清查今照原題事理勒限解部充餉不許重稅滋弊

一驛遞應用冒濫虛糜錢糧近經該部題准通行清革將節省銀兩解部充餉以前年分除奉文免派及正項支銷者免究外如有減省貯庫銀兩盡數查解俟平停止

一該部原題各府州縣節省雜支公費及存留積餘裁

減等項銀兩務要勒限解部充餉倭平停止

一各處紙贖銀兩登報多不從實近經該部題准通行查解尤要撫按先自清理禁絕交際行道府州縣將問過紙贖盡數登報解部充餉如有藉口濫科者從重叅處

一凡有稅課提舉司及地方一切餘利雜稅如河灘蘆蕩鐵稅魚課官產牙行等項名色多端皆有納官銀兩除以前不究外務要盡數查解充餉舊有者不許匿稅潤橐原無者不許增稅擾民違者各坐贓論罪一各處額設民壯弓兵除近海防倭州縣照舊外其餘民壯每十名內抽四名弓兵每十名內抽二名通將

工食銀兩勒限解部充餉俟平停止

一各王府校尉及衙門冗役有可裁減者地方官逐一查議各處書院墳塋祠堂如有派守人役一并裁革通將扣留工食銀兩勒限解部充餉俟平停止

一各省直農民有上納吏承候缺未叅者每季各稱免班銀於原納衙門多寡不等盡數查解充餉

一各省直有可充餉銀兩惟地方官知之最真各該撫按通行所屬布運二司及府州縣各照地方事宜酌議某項浮費可省某項無碍堪動隨其多寡報解充餉者具見留心國計分別紀錄以示優異但不許藉口加派擾害地方

萬曆二十六年七月十七日

兵部武選司給旗丁邱懋先號票

兵部武選清吏司為旗役補替事該本司呈

堂准給號票以便稽考今後每遇總小旗補替併鎗畢
日查照各役父祖功次來歷及補替併鎗歲月緣由每
役謄寫節畧壹張查對明白仍於底簿同用半號司印
給付本役名曰號票其應該月糧執此於各都司衛所
比對劄付即與收支待子孫補替執此赴部比對即與
查簿施行待後填註既滿再與續給保送之日本省都
司查驗起文遇有水火盜賊損失於所在官司告給執
照補替到部之日另行查給其有犯罪革役者原問衙

門追取號票粘連招由行巡按衙門年終類繳本部以
憑查革但各役非遇水火盜賊無所在官司告給執照
不曾執有原給號票者即係詐冒不准收役須至號票
者以上係
板刷印

計開

天啓四年五月內據直隸壽州衛呈送中所
旗丁邱懋先年十七歲原籍河南開封府祥
符縣人併鎗供結到司查無違碍准補祖役

冠帶總旗候併對訖天啓四年

八月內併中訖

下鈐
止木戳

天啓四年六月初六日給

司押

賜琉球國王世子尚豐勅

皇帝勅諭琉球國王世子尚豐得奏尔父王尚寧於泰
昌元年九月十九日薨逝尔為世子理宜承襲時遣戶
科右給事中杜三策行人司司正楊掄封尔為琉球國
中山王嗣理國政併賜尔及妃冠服綵幣等物念尔父
紹膺國統作鎮海邦率職輸誠慎終如始中遭隣侮旋
致堵安克綏提封迄於沒世尔以元膺國人歸心嗣服
之初倍宜兢惕其尚祇循侯度恪守王章親身以率勵
臣民飭政而輯寧邦域綢繆牖戶保固藩籬庶無忝尔
前人用副予之顯命欽哉故諭

頒賜

國王

紗帽一頂展角金

金廂犀束帶一條

常服羅一套

大紅織金胸背麒麟圓領一件

青褶襖一件

綠貼裏一件

皮弁冠一副

七旒皐皐紗皮弁冠一頂旒珠金事件全

玉圭一枝袋全

五章絹地紗皮弁服一套

大紅素皮弁服一件 素白中單一件

纁色素前後裳一件 纁色素蔽膝一件

玉鈎全

纁色粧花錦綬一件 金鈎玉珥璫全

紅白素大帶一條

大紅素紵絲為一雙襪全

丹碧紅平羅銷金夾包袱四條

紵絲二疋

黑綠暗花八寶骨朵雲一疋

深青素一疋

羅二疋

黑綠暗花八寶骨朵雲一疋

素青一疋

白毯絲布十疋

妃

紅絲二疋

黑綠暗細花一疋 深青素一疋

羅二疋

黑綠暗細花一疋 素青一疋

白毯絲布十疋

崇禎二年八月十六日

東江總兵黃龍咨朝鮮國文

欽差鎮守登鎮東江沿海等處地方掛征虜前將軍印

專理恢勦事務總兵官後軍都督府都督僉事黃 為
會報急切軍情并乞速允前咨亟借船銃以資撲剿事
照得登叛孔有德等逃潰奔登負隅固守大兵環困者
已數月矣於年前拾貳月初叁日各賊出城圍被我
大兵掩擊殺其渠魁李九成而賊惕息氣沮本年正月
貳拾柒日據登州提塘趙賢佐報稱正月拾玖日有從
登州城裏逃出一人名朱有才說拾捌日衆賊家眷財
物俱已上船只待風順潮長開洋預先計議先放船伍
陸拾號在小平島又發船伍陸拾號在雙島絕住水陸
咽喉然後將陸柒拾號船截殺旅順一路招集各島將
家眷行李卸下皮島竟往朝鮮要糧接應如有不從先

行洗戮再要他貳叁百號遼船搶掠淮安等處各等情
到鎮據此看得登賊以釜底遊魂竟思脫命奔海則棄
長用短正自速其斃也然查其中盡携男婦行李挾重
資而浮海則不能南走江淮西走津薊勢必掠島以為
安全計而島中無糧更必掠鮮以為活命計則前項報
內情狀雖未必然亦未必不然所當刻刻防萬萬不
容少懈者也再照本鎮於上年拾壹月拾壹日具咨
貴國請借遼船伍拾號為鎗叁百門原擬資以截剿而
東望懸懸尚無一耗緬維春秋之義隣國有事已國之
憂何況

貴國之於 國朝猶為 君父之國哉封豕奔突事在

同仇惟乞查照原咨速賜查發俾得藉手以底蕩平之蹟於

貴國實有厚望也除將報內軍情分佈周密并申飭各島備禦外為此合咨前去

貴國請煩查照仍希文回示施行須至咨者

右咨

朝鮮國王

崇禎陸年正月二十七日

禮部堂稿

據福山王氏藏本移錄

計開

欽賞輔臣等官陳演等染員各賞不等共紵絲玖表裏